

故宮
珍本
纂刊

畿

輔

安

瀾

志

共三冊
第二冊



故宮博物院編

海南出版社

故宮珍本叢刊第 245 冊 史部地理類 山水

故宮博物院編

畿輔安瀾志

第二冊（共三冊）

海南出版社



圖書在版編目(CIP)數據

故宮珍本叢刊.第244~246冊,地理·山水,畿輔安瀾志/故宮博物院編.-影印本.-海口:
海南出版社,2001.4

ISBN 7-80645-986-3

I.故… II.故… III.古籍-善本-故宮博物院-叢刊 IV.Z121.7

中國版本圖書館 CIP 數據核字(2001)第 06512 號

故宮珍本叢刊第 245 冊

史部·地理·山水

畿輔安瀾志

第二冊(共三冊)

故宮博物院編

責任編輯:李升召

*

海南出版社出版發行

海南省海口市金盤開發區建設三橫路 2 號 郵政編碼:570216

湖南省新華印刷三廠印刷

湖南省長沙市韶山路 158 號 郵政編碼:410004

本書正文用紙由金城造紙(集團)有限責任公司生產

*

2001 年 6 月第 1 版 2001 年 6 月第 1 次印刷

開本:787×1092 毫米 1/16 印張:24 印數:1-400 冊

ISBN 7-80645-986-3/Z·67

定價:8400 元(河渠山水古迹游記外紀 96 種共 42 冊)

本書如有印裝質量方面問題請與我社或承印廠聯係
我社為本書每冊(種)書新編的目錄均置於每冊書末

畿輔安瀾志

衛河卷一

原委

衛河卷二

原委

衛河卷三

故道

衛河卷四

畿輔安瀾志

衛河目錄

故道

衛河卷五

隄防

衛河卷六

橋渡

衛河卷七

修治

衛河卷八

官司

祠廟

水利

畿輔安瀾志

衛河目錄

二

畿輔安瀾志

臣王履恭恭纂

衛河卷一

原委

衛河古清淇二水所導也漢為白溝亦曰宿胥瀆隋為永濟渠宋元曰御河明曰衛河

〔魏志〕建安九年過淇水入白溝以通糧道〔水經

注〕清水篇謂之清河即淇河口也蓋河徙南注清

畿輔安瀾志

衛河卷一

水瀆移曹公開白溝過水北注方復故瀆矣又淇

水篇淇水右合宿胥故瀆瀆受河於頓邱縣遮害

亭東黎山西北會淇水處立石堰過水今更東北

注魏武開白溝因宿胥故瀆而加其功也淇水又

東北流謂之白溝〔隋書帝紀〕大業四年春開永

濟渠引沁水南達於河北通涿郡〔元和郡縣志〕

白溝水隋導為永濟渠亦名御河〔明史河渠志〕

衛河謂之白溝亦曰宿胥瀆宋元時名曰御河所

謂衛漕也其河流濁勢盛運道得之無淺溢虞

〔謹案〕宿胥古瀆即宿胥口頓邱故城在滑縣西遮

害亭在縣西南五十里黎山在縣東南二里古黃

河至宿胥屈而北流宿胥口即舊河口也河徙後

魏自此開濬引河水分灌以通漕名白溝因金河

東注故瀆淤塞已久分流勢弱故過淇水入此東

北又引漳水注之〔魏志〕建安十八年鑿渠引漳水

入白溝以通河水水經注淇水篇白溝又東北漳

畿輔安瀾志

衛河卷一

水注之謂之利漕口濁漳篇魏太祖鑿渠引漳水

東入清洹以通河漕名曰利漕渠是也時魏建國

於鄴由河入白溝至鄴清淇蕩洹漳之水皆以資

白溝濟漕運然則淇水未會宿胥故瀆其上固不

名白溝矣大業雜記開永濟渠引汾水入河誤沁

為汾其曰入河亦非也蓋是時沁水自武陟至汲

合清淇之水入白溝隋書專舉沁為言猶魏志專

言淇耳其曰南達於河則白溝故道也元和志於

永濟縣云大厯七年田承嗣奏於張橋行市置西並永濟渠故以為初名永濟渠在縣西郭內南自汲郡引清淇二水入白溝穿此渠入臨清由是言之白溝首起宿胥口尾歸漢時清河永濟渠則上承白溝渠而北開鑿更遠自隋至元通稱御河考其實白溝永濟渠御河之名皆不可上被之清淇且以南達於河為渠首與今之潮源衛地遂以衛河表自有別此水勢流移前後不盡同之大致也

畿輔安瀾志

衛河卷一

三

又隋書大業七年自江都御龍舟入通濟渠遂幸於涿郡開通濟渠在河之南開於大業元年自西苑引穀洛水達於河自板渚引河通於淮永濟渠在河之北由通濟入河由河入永濟乃得至涿而杜佑通典於魏縣云有白溝水煬帝引通濟渠亦名御河唐去隋不遠疑必有據然通濟永濟自是二渠文獻通考方輿紀要明史葉皆仍襲之以永濟為通濟渠非也

其源渠自河南輝縣城北蘇門山之百泉衆源所匯亦謂之北門陂亦曰百門泉亦謂之掬刀泉距城西北隅五里

水經注清水篇重門城在共縣故城西北二十里城南有安陽陂次東又得卓水陂次東有北門陂陂方五百步在共縣故城西即共和之故國也山在國北所謂共北山者也其水三川南合謂之清川又南逕凡城東周凡伯國杜預曰汲郡共縣東

畿輔安瀾志

衛河卷一

四

南有凡城今在西南魏書地形志共縣有凡城柏門山柏門水南流名太清水元和郡縣志共城縣百門陂在縣西北五里方五百許步百姓引以溉稻田此米明白香潔異於他稻魏齊以來常以薦御衛縣蘇門山在縣西北八十一里太平寰宇記衛縣蘇門山一名蘇嶺宋史河渠志御河源出衛州共城縣百門泉金史地理志衛州蘇門有白鹿山天門山淇山百門陂方輿紀要

畿輔安瀾志

衛河卷一

五

蘇門山縣西北七里一名百門山有百門泉泉通百道衛風所詠泉源在左者也或謂之百泉衛水在縣城北源出蘇門山謂之糊刀泉宋志衛河源出百門泉是也

明史河渠志衛河源出河南輝縣蘇門山百門泉

潘季馴河防一覽衛水發源河南輝縣蘇門山名曰糊刀泉在縣西北五里

傅澤洪行水金鑑康熙二十九年總河王新命奏輝縣糊刀泉在縣西北五里蘇門山下清水一泓

約二十餘畝泉珠上湧難以數計即詩所謂沍彼泉水也

謹案衛河金屬濟州蘇門縣屬衛州金史地理志衛縣有蘇門山蘇門縣有百門陂蘇門本共城後又為輝州治明改曰輝縣蓋共城衛縣接壤百門泉即在蘇門山麓今皆屬輝縣諸書或稱輝縣西北五里者指泉言也或稱西北七里者指山言也水經注但有北門陂無百門泉及百泉魏書作柏

畿輔安瀾志

衛河卷一

六

門水諸志或云百門陂或云百門泉其實一也或據水經注北門而以百為北之訛又誤百為栢看河紀程云從輝縣東闕北行五里至梅村過北即百門泉泉出蘇門山下泉通百道故名一名衛源雖以百門為名然實踰千萬不可勝數自山麓平地遍湧石竇中仰出纍纍如珠漚為巨陂方廣數頃然則以其在北故謂之北門以其出泉之多故謂之百泉指其源則謂之泉指其所漚則謂之陂

北門不必定為百門之訛惟栢門於義無取當是誤加木耳左傳定公十四年晉人敗鄭師及范氏之師於百泉或疑百泉為用師之地乃地名非陂泉之名太泥既名百泉自是因泉而名猶云敗之於百泉之上若公劉之詩所云逝彼百泉則泛言衆水非以名地耳糊刀泉諸志以為即百門泉或以為即卓水泉據水經注安陽陂卓水陂北門陂並列百門陂即為北門陂則卓水陂非即糊刀泉

也詳見後

南流枝津右出為三渡河則有蓮花泉入之

〔宋史河渠志〕熙寧六年程昞言得共城縣舊河漕

若疏入三渡河可溉西洗稻田從之〔看河紀程〕

縣西即百泉三渡縣西四里百泉之支蓮花泉縣

西五里突出於地一曰小百泉世傳晉水伏流至

北東南入衛〔河防志〕三渡河源出百泉之南流

入衛河〔一統志〕三渡河引百泉水南至雲門鎮

畿輔安瀾志

衛河卷一

溉田鍾鎮在縣南十五里雙溪橋在輝縣西北百泉水至

是分流二橋相連

〔謹案〕三渡河在衛河之西鈞溪之東宋史所謂舊

河槽不知何指方輿紀要以為舊黃河恐非考黃

河故蹟古未有至輝縣境者惟蓮花泉之引流在

鈞溪東三渡河西或即宋史之舊河槽歟

又南流入新鄉縣之合河鎮在縣西北有侯家橋西

北則有卓水陂於輝縣城西十里東南流注之

〔魏書地形志〕共縣有卓水陂〔看河紀程〕卓水源

在輝縣城西十里平地湧出經雲門流新鄉縣合

河鎮西北入衛〔一統志〕卓水泉平地湧出濛紆

數畝亦名鈞溪西二里有萬泉俱南入衛〔河防

志〕輝縣所管衛河自百門泉起至新鄉縣界止長

二十五里二百四十八步河寬三四五丈深四五

尺不等舊有民建閘五座曰仁義禮智信

〔謹案〕水經注安陽陂在重門城內次東則卓水陂

畿輔安瀾志

衛河卷一

與北門陂並列為三又云其水三川南合而地形

志共縣但列卓水陂柘門泉無安陽陂後代史志

更不復詳安陽卓水二陂源流今所謂萬泉者在

卓水泉之西疑即安陽陂也

西則清水小丹水合流注之

〔太平寰宇記〕清水在新鄉縣北十里西自懷州獲

嘉縣流入與淇水合東入白溝〔方輿紀要〕衛河

在新鄉城北或謂之清河又清水出懷慶府修武

縣西北經獲嘉縣北六里又東至新鄉縣侯家橋而入於衛河 〔一統志〕清水自山陽鎮東南入獲嘉縣北界分為二一東流至合河村入衛一西流入三橋陂復逆流入清水名泥河又小丹河一曰蔣河 〔看河紀程〕預河即小丹河由修武縣南門外東流至獲嘉入衛河漕運水淺則藉以濟運小丹河名為九道堰實從丹河支分第一條沿山麓東行淺隘如溝常因水發淤墊衛河水勢屈曲至

畿輔安瀾志

衛河卷一

九

合河鎮凡三十里此衛水合小丹處清河源出輝縣西南七十里山陽鎮東南經獲嘉縣界至新鄉合河鎮正西與衛合今自獲嘉境內即會於小丹河北河止存故道每逢雨集太行萬壑之水匯焉衛水溢出邑西北苦之案改丹入衛議曰丹河源出山西穿太行圪坦坡南注而下中間分散十有八道小溝渠民間引為灌田總流南逕張店至劉村入沁水首尾三十餘里與衛水相通者係上下

溝渠內東流第二道由清化鎮南有金鎗狗跑等泉相聚迤邐而東經修武治南北轉城東門外又東名蔣河至新鄉縣西北合河鎮相沿凡百餘里名為丹之支流而實非丹水矣若將丹水由張店改折而東過狗跑泉達衛則丹至張店地勢傾下入沁甚易勢不能挽若從東流第二道小溝渠決之入衛則丹正向山嶺而下奔潰傾跌橫截不住何由東流議者欲引丹入衛殺沁一二耳而增衛

畿輔安瀾志

衛河卷一

十

害十倍奚為可哉 〔河防志〕自大丹河石斗門分流為小丹河經河內武陟修武獲嘉至新鄉縣合河失入衛長一百九十二里新鄉縣衛河自輝縣界塊村營至汲縣界曲里村計九十二里深至一丈七八尺康熙二十九年河臣王新命議丹河口分渠九道大丹一河直歸懷慶沁河其六渠民間引水灌溉惟小丹河上秦河二渠入衛應於每歲三月初用竹絡裝石橫塞八河渠使水歸小丹河

旨允行

入衛以濟漕餘水資以灌田至五月盡則開八河
渠用竹絡裝石塞小丹河口以防山水漫溢其小
丹河經修武獲嘉以達合河鎮之處若有淺阻令
河官量為疏濬奉

謹案水經清水出河內修武縣之北黑山隋改修武曰獲嘉即今

獲嘉縣酈道元注云黑山在縣北白鹿山東白鹿山在輝縣西清水所出也上承諸陂散泉積以成川南

畿輔安瀾志

衛河卷一

十一

流屈曲瀑布垂崖懸河注壑二十餘丈其水歷澗

流飛清洞觀謂之清水矣溪曰瑤溪又曰瑤澗又

南與小瑤水合又東南流吳澤陂水注之又東周

新樂城即今新鄉縣治此水所行在山陽鎮之東北後代

地志不復詳其川流今渠源山陽鎮之清水實

古重泉水水經注云長泉水源出白鹿山東南伏

流逕一十三里重源濬發於鄧城西北城在輝縣西南六十

餘世亦謂之重泉水也又逕七賢祠東明統志七賢堂在輝

縣西南七十廟南又有一泉東南流注於長泉水

明統志云七賢泉在輝縣山陽西社即此郭緣生述征記所云白鹿山

東南二十五里有嵇公故居以居時有遺竹焉蓋

謂此也其水又南逕鄧城東名之為鄧瀆又謂之

白屋水司馬懿征公孫淵還達白屋即此東南流

逕隄城北城在獲嘉縣西北又東南歷澤注於陂泉水東

流謂之八光溝而東流注於清水謂之長清河道

元所稱鄧城西北即山陽鎮也然近志言清水自

畿輔安瀾志

衛河卷一

十二

山陽鎮東南流入獲嘉縣北界分為二一東流至

合河村入衛一西流入三橋陂即吳澤陂復逆流入清

水水經注於重泉山不言有二流蓋經後人疏導

不盡與古同明管河同知張崇謙查沁河上源牒

稱修武縣西北有清水河一迳經流獲嘉縣北六

里直至新鄉縣西北侯家橋入衛河考其地似唐

大中間杜令所開之新河自陸真山下在修武縣北二十五

里合皇母泉水南流入吳澤陂者明孝宗時曾經

畿輔安瀾志

衛河卷一

十三

修濬水經注云山陽縣故城北在修武縣西東北二十五里有陸真阜南有皇母馬鳴二泉東南合注

於吳陂次陸真阜之東北得獲釜堆在修武縣北南有三泉相去四五里參差次合南注於陂唐杜令蓋

因故瀆而濬之清河之名隨地著稱作志者不察

其方所往往彼此混淆今所謂小丹河者上承丹

水於河內縣東北由清化鎮南鎮在河內縣東北四十里東逕

修武縣城南屈北逕城東又東至獲嘉縣西北合

於清水即古之長明溝水也水經沁水篇云丹水

出上黨高都縣故城東北阜下城在鳳臺縣東北俗謂之

源源水山海經曰沁水之東有林焉名曰丹林丹

水出焉即斯水矣丹水自源東北流又屈而東注

左會絕水上黨記曰長門城在郡南山中城在高原西

北二丹水出長平北山南流秦坑趙衆流血丹川

由是俗名為丹水斯為不經矣丹水又東南流注

於丹谷在鳳臺縣東南太行山麓又逕二石人北石人山在鳳臺縣東南八

里又東南歷西巖下又南白水注之又東南出山

經鄆城城在河內縣北竹書紀年作蔡城後漢書郡國志譌作蔡城又南屈而

西轉光溝水出焉丹水又西經苑鄉城北城在河內縣北

子城俗呼晚南屈東轉逕其城南東南流注於沁謂之

丹口光溝水首受丹水東南流界溝水出焉水上

承光溝東南流長明溝水出焉白馬溝水首受白

馬湖湖一名朱管陂陂上承長明溝湖水東南流

逕金亭西有南北二金城俱在河內縣東北四十里魏書地形志州縣有金城即此

畿輔安瀾志

衛河卷一

十四

為二水一水東出為蔡溝清水篇叙長明溝云上

承河內野王縣東北界溝分枝津為長明溝隋改野王

曰河內即今東逕雍城南城在河內縣東北寒泉水注之

水出雍城西北泉流南注逕雍城西又東南注長

明溝溝水又東逕射犬城北城在河內縣東北東入石湖

東流蔡溝水入焉水上承州縣北白馬溝東分為

蔡溝州縣故城在河內縣東南四十里東會長明溝水又東逕修

武縣之吳亭北魏書地形志南修武有吳亭地即此今在獲嘉縣西東入吳

陂修武縣舊志云小丹河舊在縣南五里明嘉靖間改流縣北為三里河萬歷十五年復導經縣南附城而東逕獲嘉縣入衛考之明一統志預河在修武縣南五里積潦而成流入衛河蓋是時上源未與丹水枝渠通但由積潦成河故無小丹之目明實錄萬歷四十八年工部覆巡漕御史毛一鷺所陳小丹河自清化鎮起至合河鎮止泉流由以濟運議欲疏濬深濶則至是已名為小丹矣

畿輔安瀾志

衛河卷一

十五

又有峪河合天門山諸泉亦自獲嘉縣流入之

看河紀程峪河在輝縣西南五十里源發太行山麓

謹案峪亦或作預非也預河行清水之西丹峪之東峪河行清水之東卓水之西中隔清水不當混二川為一水經注又云丁公泉發於焦泉之右次東得焦泉泉發於天門之左南流成溪次東得魚鮑泉次東得張陂泉次東得三淵泉梗河參連女

宿相屬是四川在重門城西並單川南注也一統志於天門山云在輝縣西北五十里亦名石門山

明李濂記兩山壁立相距下有二潭於三仙潭云在輝縣西五十里石門山中縣志水自山西陵川縣經平田河初匯為一潭曰黑龍稍奔注巨壑復為巨潭曰白龍又南流四五里至峪河口鍾一小潭名曰二女於平田水云在陵川縣東南九十里源出孤峯山下流入河南衛輝府輝縣界注衛水

畿輔安瀾志

衛河卷一

十六

於丁公泉云在輝縣西五十里縣志丁公泉東過蘭橋入衛又東為焦泉又東為金沙銀沙二泉交匯為池奔流里許伏流入地據一統志及所引縣志今天門山之泉源淵潭與水經注不遠而不詳其川流看河紀程記輝縣諸泉流出所逕則云卓水縣西八里峪河縣西南五十里清水縣西南七十里蓋峪河實天門山諸泉所匯流在清水東者又東流逕汲縣城北即衛輝府治也右得沁水決入

故津詳故道卷

方輿紀要衛河在汲縣城北一里

看河紀程稍

行而東經新鄉縣北門民樂橋歷河逶曲里二村

凡六十五里自此東流經衛輝府北門一里從衛

輝城出西門過大石橋即衛河也水不甚流遠城

北會淇水

河防志汲縣所管衛河自新鄉縣界

曲里村起至濬縣界雙鵝頭止計一百四十五里

河寬至六七丈深一丈五六尺不等

水部備考

畿輔安瀾志

衛河卷一

七

沁水一支自武陟小原村東北由紅荊口經衛輝

府凡六十里入衛河昔隋煬帝引沁水北通涿郡

蓋即此地

又東流入濬縣界則淇水自林縣西南流注之即宿

胥瀆也其西岸為淇縣

明史河渠志衛河經新鄉汲縣而東至畿南濬縣

界淇水入焉謂之白溝亦曰宿胥瀆

方輿紀要

衛河在濬縣城西自汲縣境流入縣至黎陽故城

西又東經城西北流經縣西北三里曰王橋渡至

縣北二十五里曰屯子渡又北十五里曰老鴉嘴

渡詳衛河防志入內黃縣界寰宇記衛河淇水合

流亦曰黎水亦曰濬水詳衛河防志又謂之白溝

魏武遏淇水東入白溝蓋昔時淇水南入河堰之

使東入衛以通漕也志云縣西南十里有外郎河

或謂之黎水蓋即衛河故渠也西匯長豐泊又西

北歷善化山復西北會於漳水金時濬州守以州

畿輔安瀾志

衛河卷一

六

城象舟乃自外郎河引流東北出取舟在水中之

義今河經流於此衛縣城在縣西五十里古朝歌

也又同山亦曰童山高處如龍脊曰龍脊岡左有

山曰白祀淇水所經多溢為陂西麓又有小溪名

波羅河夾山南流至龍口渚伏流地中滌溢則會

於長豐泊長豐泊即二陂水所匯也自大河南徙

二陂漸湮泊亦淺涸淇水在縣西南六十里自淇

縣境流入縣界漢書地理志淇水東至黎陽入河

謂之淇口賈讓治河議從淇口以東為石隄多張水門是也亦謂之清水後漢初平二年袁紹屯朝歌清水口九州春秋曰淇水口也蓋即淇水合衛之處矣宿胥瀆亦在縣西南

川瀆異同 衛水小

水也後漢建安九年曹操於淇水口下大枋木遏淇水是時淇水入河故操遏使東北流以便漕運衛河乃附淇水而東隋大業四年又引白溝為永濟渠亦曰御河自是衛河專有御河之名而淇水

畿輔安瀾志

衛河卷一

十九

之名反掩

看河紀程 進湯陰縣北門出東門北

行到皮家莊見衛河一道從西來問土人云有四十八里長雨水所積從山邊起二十里到屯頭即衛河馬頭行二十五里到濬縣西門過橋橋頗大衛河自淇門入界受淇水經縣北又東受洹漳二水波羅河在同山西白祀同山二陂在城西三十里亭子陂在城西一里長豐泊在縣西二十里即白祀童山二陂所匯疏鑿成渠南起交卸村北抵

屯子鎮工程九十餘里白龍潭黑龍潭在縣西南

四十里一在大隄之西一在大屯東南四時不竭井固潭在井固村其源不測東北入衛攬泉在善化山下共七十有二泉近日湮塞過多荆家砦張家窪王楓園石橋頭東陽湖西陽湖大屯之大泉小泉則最著者黎水今湮沒無考

河防志 濬縣

所管衛河自汲縣界雙鵝頭起至滑縣界伍隆固止計一百七十五里內有石岡一道自屯子鎮至

畿輔安瀾志

衛河卷一

二十

老鵝嘴十八里綿亘河底水稍落則為重艘礙河寬至十四五丈深一丈七八尺不等淇縣所管衛河在汲縣之北岸自西沿村起至薛村口止計長一十五里河寬至十三四丈深至兩丈一二尺不等淇河北自林縣即衛許所云淇澳是也發源淇縣南臨淇集至合河口浙河自西來注之至淇縣薛村口又四十里共長一百二十里河寬至二十二三丈深至一丈二三尺

畿輔安瀾志

衛河卷一

三

謹案小谷口舊畿輔通志大名府衛河在魏縣東南經清淵達直沽水清渠深不為害又云御河即白溝水隋煬帝引洹水為遊覽之所故名今不見亦并於衛河然土人猶曰御河云河南通志衛河東入大名府濬縣界畿志云在魏縣東南豫志又云入濬縣界魏濬本不接壤何言之互異若此今考河南通志所云則衛河之上流也畿輔通志所云則衛之下尾也水流逕通其言未始乖異至

說誠為未協矣

又有陽河之水會馬溝水美溝水流合焉

太平寰宇記陽河水在衛縣西北即紂斬朝涉之

脛處也方輿紀要陽河在淇縣西南三里一名

太和泉自輝縣東流經縣界東入衛河亦名斬脛

河統志泉源水在淇縣南亦名陽河即古肥

畿輔安瀾志

衛河卷一

三

泉也縣志斬脛河源出縣西北三里東南流逕縣南五里又東南過縣東南二十里入衛看河紀程斬脛河源出淇縣西北五里東南流入衛河一名太和泉又名陽河河防志斬脛河北自太和泉流至西沿村入衛自太和泉起至西沿村長三十里河寬一丈五六尺深五六尺

謹案諸志則太和泉源泉肥泉陽河斬脛河乃一水而異名也水經注太和泉源水水有二源一水

出朝歌城西北東南

東南字當連下老人為句言水之東南有老人欲渡至西

北也或於東南下添流字非又或作一出東南亦非老人晨將渡水而沉吟

難濟紂問其故左右曰老者髓不實故晨寒也紂

乃於此斬而視髓也其水南流東屈逕朝歌城南

又東與左水合謂之馬溝水

今名思德河名勝志云源出武公廟前

水出朝歌城北東流南屈至其城東又東流與美

溝合水出朝歌西北大嶺下更出逕駱駝谷於中

逶迤九十曲故俗有美溝之目矣歷十二崿崿流

相仍泉響不斷其水東逕朝歌城北又東南流注

馬溝水

淇縣志小石河源出縣西北三十里東流與思德河合即此

又東南注

淇水為肥泉也故毛詩曰我思肥泉茲之永歎博

物志謂之澳水然斯水即詩所謂源泉之水也故

衛詩云泉源在左淇水在右朱謀瑋箋註泉源水

下云此下自水有二源至更相通注河清止九百

一十五字吳本誤入十三卷濕水注中今移接於

此於濕水篇云石也殿之東北至蓋天九百一十

畿輔安瀾志

衛河卷一

三

三字諸本錯入九卷淇水注中則是淇水篇太和

字乃濕水篇中叙魏太和十六年造太極殿事太

和二字未經改正刪去遂誤為太和泉源水讀者

不察乃分裂源泉二字以泉字屬上為太和泉以

源字屬下為源水矣考元和志寰宇記俱無太和

泉之稱蓋水經注尚無譌紊也又陽河泉源水諸

志或以為淇縣南或以為淇縣西南則斯脛河亦

當在西南一統志又以斯脛河為源出淇縣西北

則斯脛河為陽河泉源之上源矣而看河紀程河

防志則又似陽河為斯脛河之上源其實一水異

名太和既屬誤稱而斯脛之名特因事而起亦無

定處可指或指其上流或指其下流以致滋惑耳

又案禹貢雖指漢志河內郡其北山淇水所出

東至黎陽入河隆慮國水東北至信成入張甲河

過郡三行千八百四十里魏郡清河水出內黃南

水經隆慮所出之淇水即國水宿胥故瀆乃禹河

畿輔安瀾志

衛河卷一

三四

之所行國水自西來注之勢不得東出內黃縣南

為清河蓋禹河下流漸淤而為此川猶漢屯氏河

之類及周定王時宿胥口塞大河之水不至國水

循宿胥故瀆東北逕內黃縣南為清河漢志所謂

東北至信成入張甲河行千八百四十里者也後

故瀆又塞清河隨淇水至黎陽入河故淇水口亦

名清河口及曹公堰淇口因宿胥故瀆而加其功

使東北流為白溝是為復故道也蘇秦說趙曰東

畿輔安瀾志

衛河卷一

三十五

有清河說齊曰西有清河清河之來已久疑春秋前已有之竊嘗以鴻溝為禹河致塞之由今清河又分河於此間則下流緩弱不能刷淤沙鄰東河道之塞未必不由此也雖指以國策證清河是也但以淇水即國水則漢志明分兩水不可混也國水固大水與淇水相等然古今變遷不一昔有今無何可勝道闕疑可耳又泉源水在淇縣西南清水又在其西淇水則在淇縣東水經注源泉水本

入淇今清水於淇水之西先合泉源水流十五里乃與淇會蓋後代改流也

又東北流逕滑縣界又東北流逕內黃縣北湯陰縣西則有湯水受美水防水長沙溝永通河洹水受黃水華泉水雙泉陵陽河合流注之

〔漢書地理志〕魏郡內黃清河水在南

〔水經〕又東

過內黃縣南為白溝屈從縣東北與洹水合鄴注白溝又北左合陽水又東北流逕內黃縣故城南

畿輔安瀾志

衛河卷二

三十六

縣右對黃澤自縣北逕戲陽城東又北逕高城亭東又洹水從西南來注之又北逕問亭東即魏界也左與新河合洹水支流也〔又〕蕩水出河內蕩

陰縣西山東又東北至內黃縣入於黃澤鄴注蕩水出縣西石尚山〔經案〕即牟山東流逕共縣故城南美

水出蕩陰西北韓大牛泉地理志縣之西山美水所出也美水又東逕韓附壁北又東流逕美城北〔經案〕城在縣北七里故美里也美城北水積成淵方一十餘

步深一丈餘東至內黃與防水會水出西山馬頭

澗東逕防城北〔經案〕即防陵城在安陽縣南十五里其水東南流注

於美水又東歷黃澤入蕩水地理志曰美水至內

黃入蕩者也蕩水又東與長沙溝水合其水蕩源

里山北谷〔經案〕在湯陰縣西南三十五里東流逕晉鄙故壘北〔經案〕

即魏武故城在淇水又東謂之宜師溝又東逕蕩

陰縣南又東逕枉人山東北至內黃澤右入蕩水

亦謂之黃雀溝又逕內黃城南東注白溝〔又〕洹